

کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر مسئولی

ابو العلا زین العابدین

تاریخ تأسیسی

۱۳۳۰

عدد ۲ ۱۵ جادی الاولی سنہ ۱۳۳۰ پنجشنبہ ۱۹ نیسان ۱۳۲۸ برنجی جلد

بشریده صور مختلفه ایلہ وقوعه کلن ققید حریت اسباب معقوله به مستند اولنجه ارتق خالق ذوالجلال حکیمک نهی وتحذیرلرنده نه قدر حکم ومصالح بولندینی دوشونلی در . ذاتاً جمعیات بشریه بی محافظه وادامه ایدن حریت حریت مشروعه در، یعنی هرفردک حقوق شخصیه واجتماعیه سنه مالک بولنمیدر . هرکس فطرهٔ حائز اولدینی حریت مطلقه بی استعمال ایده جک اولورسه ادب ، اطاعت ، انتظام ، خوف وهراس کبی روابط ضروریه اجتماعیه چوزیلور . وبناء علیه نه حالت اجتماعیه ، نه حریت ، نه رفاه معیشت قالور . هرکس برقوهٔ غالبه نک زبون پنجه نکالی اولوب کیدر .

برکت زاده اسماعیل حق

بَشَرِ شَرِیف

التجويد الصریح
لاحادیت الجامع الصبیح
ترجمه سی

۴ — هربیت شریف

عَنْ جَابِرِ بْنِ عَبْدِ اللَّهِ الْأَنْصَارِيِّ رَضِيَ اللَّهُ عَنْهُمَا وَهُوَ يُحَدِّثُ عَنْ فَتْرَةِ الْوُحْيِ
فَقَالَ فِي حَدِيثِهِ يَنْبَأُ أَنَا أَنَشِي إِذْ سَمِعْتُ صَوْتًا مِنَ السَّمَاءِ فَرَفَعْتُ رَأْسِي [۱]
فَإِذَا الْمَلَكُ الَّذِي جَاءَ فِي بَحْرَاءِ جَالِسٌ عَلَى كُرْسِيِّ بَيْنَ السَّمَاءِ وَالْأَرْضِ فَرُعِبْتُ [۲]
مِنْهُ فَرَجَعْتُ فَقُلْتُ زَمِلُونِي زَمِلُونِي . [۳] فَأَنْزَلَ اللَّهُ تَعَالَى [۴] يَا أَيُّهَا

[۱] (فرغت بصری) ده مرویدر . [۲] دیگر نسخه ده رانک فتعبله (فرغت)

[۳] بر روایتده برکه (زملونی) ، دیگر روایتده (دثرونی) وارد اولمشدرکه ابکنجیدی
آنیآکله جک آیت کریمه به ده موافقدر . [۴] دیگر روایتده (تعالی) برینه (عزوجل) .

الْمَدَّثَرُ قُمْ فَأَنْذِرْ. وَرَبَّكَ فَكَبِّرْ وَثِيَابَكَ فَطَهِّرْ وَالرُّجْزَ فَاهْجُرْ فَجَبَىٰ الْوَحْيُ
وَتَتَابَعُ. [۱]

۴ - ترجمہ

جابر بن عبد اللہ الانصاری رضی اللہ عنہما (حدیث سابق روایت ایوب) دیورکہ :
رسول اللہ صلی اللہ علیہ وسلم فترت وحیدن بحث ایدرکن سوز آرمندہ بویوردیکہ :
برکون یوردرکن بردہ کوک یوزی طرفندن بر سس ایشیتدم . باشمی قالیدرم . بردہ
باقدم کہ حرادہ بکا کلن ملک سما ایلہ ارض آرمندہ بر کرسی اوزرندہ اوطورمش . پک
زیادہ قورقدم . (اومہ) دونوب « بنی اورتک ، بنی اورتک » دیدم بونک اوزرینہ اللہ تعالیٰ
حضر تاری « یا ایہا المدثر . قم فانذر وربک فکبر . وثیابک فطهر . والرجز فاجھر ، [*]
آیات کریمہ سی ازال ابتد . آرتق وحی فزشدی وآردی کسيلمدي .

۵ - مرثیہ شریف

عَنِ ابْنِ عَبَّاسٍ رَضِيَ اللَّهُ عَنْهُمَا فِي قَوْلِهِ تَعَالَى لَا تُحَرِّكْ بِهِ لِسَانَكَ لِتَعْجَلَ بِهِ
قَالَ كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يُعَالِجُ مِنَ التَّزْيِيلِ شِدَّةً وَكَانَ يُمَايَحِرُكُ
شَفَقَتِهِ . [۲] فَقَالَ ابْنُ عَبَّاسٍ فَأَنَا أَحَرُّ كُهُمَا [۳] كَمَا كَانَ رَسُولُ اللَّهِ صَلَّى اللَّهُ عَلَيْهِ
وَسَلَّمَ يُحَرِّكُهُمَا فَأَنْزَلَ اللَّهُ عَزَّ وَجَلَّ [۴] لَا تُحَرِّكْ بِهِ لِسَانَكَ لِتَعْجَلَ بِهِ إِنَّ

[۱] دیگر روایتہ (و تواتر) .

[*] آیات کریمہ مکہ مآلی :

ای اورتوبہ یورون رسولم ؟ قال قدہ سکا ایمان ایغیانلری انذار ایت . ربکک عظمت و کبریاسندن
بحث ایت . البسه کی پاک و مطهر طلوت . عبادت اونان نجاستی ترککده دہ دائم اول . والله اعلم .

[۲] دیگر روایتہ کورہ (یحرک بہ) .

[۳] دیگر نسخہ بہ کورہ (احر کہمالک) دیگر لرینہ کورہ دہ (لکم) .

[۴] دیگر نسخہ دہ تعالیٰ .

عَلَيْنَا جَمْعُهُ وَقَرَّأَهُ. قَالَ جَمْعُهُ لَكَ فِي صَدْرِكَ [۱] وَتَقْرَأُهُ فَإِذَا قَرَأَهُ، فَاتَّبِعْ قُرْآنَهُ
قَالَ فَاسْتَمِعْ لَهُ وَأَنْصِتْ ثُمَّ إِنَّ عَلَيْنَا بَيَانَهُ ثُمَّ إِنَّ عَلَيْنَا أَنْ تَقْرَأَهُ. فَكَانَ رَسُولُ اللَّهِ
صَلَّى اللَّهُ عَلَيْهِ وَسَلَّمَ بَعْدَ ذَلِكَ إِذَا آتَاهُ جِبْرِيلُ أَسْتَمَعَ. فَإِذَا انْطَلَقَ جِبْرِيلُ
قَرَأَهُ النَّبِيُّ صَلَّى اللَّهُ عَلَيْهِ وَسَلَّمَ كَمَا قَرَأَهُ. [۲]

۵ - ترجمه

(لَا تَحْرُكْ بِهِ لِسَانَكَ لِتَعْجَلَ بِهِ) آیت کریمه سی حقنده ابن عباس رضی الله عنهما دن
شویله جه دیدیکی روایت اولونیور :

رسول الله صلی الله علیه وسلم تنزیل اولونان آیات کریمه نك ضبطی یوزندن کوچک چکر
وبوندن طولانی چوق کرملر مبارک دوداقلرینی تحریک ایدردی. بونی سویارکن ابن عباس
رضی الله عنهما ایشته باق رسول الله صلی الله علیه وسلم دوداقلرینی نصل تحریک ایدیور
ایدیسه بنده سکا اویله جه تحریک ایدیورم ده دیمش. بونک اوزربنه الله تعالی حضرتلری
(لَا تَحْرُكْ بِهِ لِسَانَكَ لِتَعْجَلَ بِهِ. اِنْ عَلَيْنَا جَمْعُهُ وَقَرَّأَهُ. فَإِذَا قَرَأَهُ فَاتَّبِعْ قُرْآنَهُ، ثُمَّ اِنْ
عَلَيْنَا بَيَانَهُ) [۱] آیات کریمه سنی ازال ایتدی. (اِنْ عَلَيْنَا جَمْعُهُ وَقَرَّأَهُ) قرآنی سنک
صدرکده جمع ایدوب آتی اوقویه بیلمه ک بزه عائددر. (فَإِذَا قَرَأَهُ فَاتَّبِعْ قُرْآنَهُ)
(لسان جبریل ایله) قرآنی سکا اوقودیفمزده آتی دیکله وسکوت ایدرک آکا قولاق
ویره. (ثُمَّ اِنْ عَلَيْنَا بَيَانَهُ) آندن صکرده آتی (درست) اوقومه کی بز تکفل ایدرز.

[۱] اکثر روایاتده فتح میم ایله (جَمْعُهُ لَكَ صَدْرُكَ) وبرروایتده ضم عین ایله، بر روایتده ده
کذا سکون میم ایله (جَمْعُهُ لَهُ صَدْرُكَ) وارد اولمشدرکه جمله سی معنی متغایردر. یالکز صوکه
روایتده (له) ده کی ضمیر قرآنه، (لَكَ) ده ضمیر ایسه حضرت رسول ذیشانه راجعدر.
[۲] دیگر روایتده ضمیر سبز اوله رق (کَمَا قَرَأَ) وارد اولمشدر.

[۳] آیات کریمه نك مائی : ای حبیب محترم ! سکا نازل اولان آیات قرآنیسه ایله بلیکه
بللیهم دیه عجله ایدوبده لسانکی، دوداقلرکی جبریل تلاوتی پیتیرمه دن تحریک ایتمه. قرآنی
صدرکده جمع ایتمک؛ سکا تلاوت ایتدیرمک بزه عائددر. لسان جبریل ایله قرآنی سکا اوقودیفمزده
سن یالکز دیکله. آندن صوکه آتی آکلانقی ینه بزه عائددر. اه. والله اعلم

دیمکدر . ایشته بوندن صکره رسول الله صلی الله علیه وسلم نه زمان جبریل (علیه السلام) نازل اولورسه دیکلردی . جبریل (علیه السلام) کیدنجه کتیرمش اولدینی آیات کریمه بی او فصل تلاوت ایتمش ایدیه بی (محترم) صلی الله علیه وسلم ده اوله جه تلاوت ایدردی .

۶ — مریث شریف

وَعَنْهُ رَضِيَ اللَّهُ عَنْهُ قَالَ كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَجْوَدَ النَّاسِ وَكَانَ [۱] أَجْوَدَ [۲] مَا يَكُونُ فِي رَمَضَانَ حِينَ يَلْقَاهُ جِبْرِيلُ عَلَيْهِ السَّلَامُ [۳] وَكَانَ يَلْقَاهُ فِي كُلِّ لَيْلَةٍ مِنْ رَمَضَانَ فَيُدَارِسُهُ الْقُرْآنَ . فَلَرَسُولُ اللَّهِ صَلَّى اللَّهُ عَلَيْهِ وَسَلَّمَ أَجْوَدُ بِالْخَيْرِ مِنَ الرِّيحِ الْمُرْسَلَةِ .

۶ — نریمه

ینه ابن عباس رضی الله عنهما دن شویله جه دیدیکی روایت اولونیور : رسول الله صلی الله علیه وسلم خلقک اک جو مردی ایدی . اک جو مرد اولدینی زمان ده رمضانده ایدی که (بو آی) جبریل علیه السلام کندوسنه چوقجه ملاقی اولدینی زمان ایدی . جبریل (علیه السلام) رمضانک هر کیجه سنده ذات شریفلرینه ملاقی اولور . کندیبی ايله قرآن کریمی مدارسنه و مذاکره ایدردی . ایشته بوندن طولانی رسول الله صلی الله علیه وسلم ابزال خیرده مانمیه اوغرامیان (مبارک) روزکاردن دها جو مرد ایدی .

احمد نعيم



[۱] دیگر روایت کوره فنکان .

[۲] دیگر روایت کوره دالاک ضمیمه اجود .

[۳] الدهکی بخاری نسخه ارنده (علیه السلام) یوقدر .